

զգականորդ տրոց նախընթաց տարւոյն, պատճառանօք վանաց կամիմ ընուլ. ոչ այգւլէս՝ գիտէ տէր զի չէնքն այն կարի անհեղեղ թուեցաւ ինձ, որոյ վասն խնդրեցի ըզգիրն, տեսանել թէ ո՞րպիսի ինչ իցէ: Ապա դարձուցեալ զբանս իւր ցերիս Փոխանորդս աղերսէ 'ի նոցանէ չգրել դանկատանս զնմանէ 'ի Դուռն. զի նախընթաց ամին Լատինք կամ դեսպանն Գաղղիոյ գանկատեալ, և 'ի քննութեան սլահու արկին զայն 'ի վերայ Հայոց, և սաստեալ վարեցին զփոխանորդ նոցին յատենէ անտի. զնոյն արարին եւ փոխանորդին Լատինաց, դգուելով զՅոյնս իբրեւ դոճ զինքենէ: Յետ այսր ամենայնի Յոյնք կրկին հրաման առին նորոգել զՊատանատեղին և զԳողգոթայ, եւ սալել զտանիս Ս. Եղիայի վանաց, 'ի ճանապարհին Բեթղէհէմի, և գտին համարձակութիւն 'ի քաղաքին և անխնայ վատնէին զգանձս իւրեանց 'ի վնաս Հայոց, յորոյ վերայ զարմացեալ էին Լատինք, (1764. 'ի 1 Յունվարի):

Միաբանք Յունաց իբրու թէ հանդարտեալ երեւէին ժամանակս ինչ, ահա դարձեալ սկսան խլրտիլ. զի ամբաստանեցին զՀայս առ դատաւորն. իբրեւ թէ գերեզմանն Ս. Աստուածածնի 'ի սկզբանէ անտի լեալ իցէ 'ի ձեռս Յունաց, իսկ Հայք օգնութիւն գտեալ 'ի Լատինաց և զօրութեամբ դրամոց և հրովարտակին գրաւեցին զեկեղեցին զայն. նոյնպէս և 'ի մեծ եկեղեցին Բեթղէհէմի կախեցին կանթեղս և զայլ զարդս, որով նեղեն զՅոյնս. զի յառաջագոյն Սուլթան Մահմուտ Արքայ տուեալ էր զնոսա Յունաց, և Հայք միայն հրաման ունէին երթալ յուրտ 'ի տարւոջ մի կամ զաւուրս երկու: Խնդրեմք այժմ զի ողորմեսցի Արքայ շնորհել մեզ հրովարտակ 'ի բառնալ 'ի տեղեացն այնոցիկ զկանթեղս եւ զարդս, զորս եղին Հայք: Իսկ դատաւորն առանց ունին դնելոյ գրոց և բանիցն Հայոց, գրեաց 'ի Դուռն զոր միանգամ յայտ արարին Յոյնք: Այլ իբրեւ իրազգաց եղեւ Կարապետ Պատրիարք, կոչեաց զՀատաւորն 'ի գիշերի 'ի վանս, եւ ետ ընթեռնուլ նմա զհին և զնոր հրովարտակս. եւ իբրեւ 'ի միտ առ զսխալանս իւր, ասէ. թէ Յոյնք խաբեցին զիս և առին զայնպիսի գիր 'ի ձեռաց իմոց. ասպա գրեաց զերկուս գիրս, մին թէ Յոյնք խաբէյալութեամբ առեալ են